



№ 11—1917  
 აგრიკა მარტის 12

წელიწადი მესამე წასი  
 გაგონებისა 15 კ.

საღმისწულე ბელი კომიტეტი  
 (რამელმან ქველი მთაგრბა დასმონ და სხალი აირჩია)



მ. როძიანკო (1), ნ. ჩხვიძე (2), ა. კერენსკი (9), ვ. შულგინი (10), პ. მილიუკოვი (8),  
 მ. კარაულოვი (8), ა. კონოვლოვი (11), ი. დმიტრიუკი (5), რევესკი (7), ს. შიდლო-  
 ვსკი (4), ნ. ნეკრასოვი (12), ვ. ლეოვი (6).



მოქალაქენო! მხარი მიეცით  
 ახალ მთავრობას ტ შურგი გაუმაგრეთ.  
 გაუმარჯოს დამფუძნებელ კრებას!

# ამხანაგებო!

დამფუძნებელ კრებას უნდა მოსთხოვოთ  
 საქართველოს ტერიტორიალური ავტონომია!

მარტის 12.

რა მოხდა?

აფრიალდა წითელი დროშა!  
 „ნებითა ღვთისათა“ ტახტ-

ზე ასული ძაღვითა ხაჯხისათა ჩამობძანდა!  
 დაემხო რუსეთის თვითებურობელი მთავრობა,—ის მთავრობა, რომელმაც აუარებელი უბედურება მოაწვინა ქვეყანას!

დაემხო ხალხის სულთამხუთავი, გაუმაძღარი სისხლის მწოველი.

დემოკრატია და ბურჟუაზიამ, მუშა ხალხმა და ჯარმა შესძლო ეს დიდებული გმირობა.

დიდება და უკვდავება მათ!

დღეიდან ქვეყანა თავისუფლოდ სუნთქავს!

ბორკილები აეხსნა იმათ, რომელნიც ხალხის განთავისუფლებას ცდილობდნენ ბორკილებისაგან და ძველი მთავრობისაგან უსამართლოდ სდნებოდნენ ციხის ჯურღმულებში.

შორს არა ის დრო, როდესაც მოწვეულ იქნება დამფუძნებელი კრება. ეს კრება შეიმუშავებს ძირითად კანონებსა და ქვეყნის მართვა-გამგეობის წესებსა.

ჯერხობით კი ს. ხემწიფოს სათავეში უღვას დროებითი მთავრობა.

ჩვენი გულითადი სალამი განახლებულ რუსეთსა და ხალხის ნდობით აღჭურვილ მის ახალ მთავრობას!

მოქალაქენო, ყველა თქვენ, ვინც ძველი წესით უკმაყოფილონი იყავით და ახალს შესტრფოდით, აჰა, ახალიც, ფრიალებს წითელი დროშა და მისი მთავრობა გაძგებლობს: საბოლოოდ გავამარჯვებინოთ მას.

გაუმარჯოს ახალ რუსეთს!  
 გაუმარჯოს დამფუძნებელ კრებას!  
 გაუმარჯოს დემოკრატიას!  
 გაუმარჯოს საქართველოს ტერიტორიალურ ავტონომიას.

# ქარსიველ დემოკრატიას!

ამხანაგებო!

დიდ რუსეთთან შედარებით ჩვენის რიცხვითა და სამშობლოს სივრცით ერთს წვეთს წარმოვადგენთ ზღვაში.

მიუხედავად ამისა ჩვენ ძლიერნი ვართ სულთ.

ჩვენი სულის სიძლიერე იმდენათ დიდია, რომ ჩვენისთანა პატარა ერს დიდი რუსეთის დროებით მთავრობაში თვისი წარმომადგენელი ჰყავს—კარლო ჩხეიძე.

ქართველებს სრული უფლება გვაქვს, ვიამაყოთ ამ გარემოებით.

ჩვენს ისტორიაში ოქროს ასოებით უნდა ჩაიწეროს, რომ რუსეთის დროებით მთავრობაში ერთი წევრი ქართველი დემოკრატიის წარმომადგენელი იყო.

ვინ შექმნა ჩვენი სულის სიძლიერე, ვინ გვარგუნა ეს უფლება, ვამაყობდეთ დღეს ჩვენის თავით?

თქვენ, ამხანაგებო!

ქართველმა მშრომელმა ხალხმა, ქართველმა დემოკრატიათ აამალლა ჩვენი სამშობლო იმდენათ, რომ რიცხვით მცირე ქართველი ერი რუსეთის დროებით მთავრობას ერთ საუკეთესო წევრს აძლევს.

კარლო ჩხეიძის სახით დიდმა რუსეთმა პატარა საქართველო მიიწვია და ეუბნება მას: შენ აუცილებლათ საჭირო ხარ, რომ მე განვხლდე და დემოკრატიული წყობილება მოვიპოვო.

ამხანაგებო!



თქვენ რომ მარტო ამით დაკმაყოფილდეთ, თქვენს მოწოდებას, თქვენს დანიშნულებას, თქვენს მოვალეობას სამშობლოს წინაშე უღალატებთ: თქვენ ვალდებული ხართ, თქვენ ისტორია გიკარნახებთ, თქვენი დიდი საქმე ბოლომდე მიიყვანოთ და თქვენს მშობელ ერს მოუპოვოთ ისეთი წყობილება, ურომლისოთაც მას არ შეუძლია განახლებულ რუსეთში განვითარება.

ეს არის ტერიტორიალური ავტონომია განახლებული რუსეთის მფარველობის ქვეშ.

თქვენ ეს შეგიძლიათ, თქვენ ვალდებული ხართ, ეს შეასრულოთ.

მთელი სამშობლო თქვენ შემოგყურებთ, მთელი ჩვენი ისტორია თქვენ მოგჩერებია.

დიდებული ხართ, ამხანაგებო, დიდებული დარჩით ბოლომდე.

საქართველოს ტერიტორიალური ავტონომია არ ეწინააღმდეგება ქართველი დემოკრატიის საბოლოო მიზანს, პირიქით ის ხელს შეუწყობს ქართველი დემოკრატიის ზრდა-განვითარებას.

საქართველოს ტერიტორიალური ავტონომია არ ეწინააღმდეგება რუსეთის პროლეტარიატის საბოლოო მიზანს.

მაშ რატომ არ უნდა გაისმას თქვენი პირიდან მედგარი კეჟა:

გაუმარჯოს საქართველოს ტერიტორიალურ ავტონომიას!

უნდა გაისმას და მე მრწამს, რომ განისმის.

ამას ითხოვს თქვენგან თქვენი დაჩაგრული სამშობლო, ამას გავალებთ თქვენ ჩვენი ისტორია.

თქვენ ამით არასფერხ ახალს არ მოსთხოვთ განახლებულ რუსეთს,—თქვენ მოითხოვთ მხოლოდ იმის დაბრუნებას, რაც ძველმა რეჟიმმა წაგვართვა.

განახლებულმა რუსეთმა მოსპო ძველი რეჟიმი, დაიბრუნა და აღადგინა თვისი უფლებანი.

ის ვალდებულია, მან უნდა დაგვიბრუნოს ის უფლებანი — ქართველი ერის უფლებანი, რაც ძველმა რეჟიმმა წაგვართვა და ფეხქვეშ გათელა.

მესმის, თქვენ ამბობთ, ამხანაგებო, სა-

ამისო დრო არ არის, დღეს ცალკე ეროვნებათა უფლებაზე ლაპარაკი უაღაგაოა.

არც მე გეუბნებით, რომ დროებით მთავრობას მიმართოთ. თქვენ დღესვე უნდა შეუდგეთ მზადებას და, როდესაც დამფუძნებელი კრება შესდგება, წარსდგეთ მის წინაშე და მოითხოვოთ ქართველი ერის ფეხქვეშ გათელილ უფლებათა აღდგენა.

ამხანაგებო, თქვენ გახარებთ თავისუფალი რუსეთი.

ნუ თუ თქვენს გულს თავისუფალი საქართველო ნაკლებათ გაახარებს?

მაშ იცოდეთ, რანაირათაც უნდა განახლდეს რუსეთი, საქართველო ვერ განახლდება, თუ მან არ დაიბრუნა, არ აღიდგინა, რაც მას წაართვეს:

ტერიტორიალური ავტონომია რუსეთის მფარველობის ქვეშ.

ამხანაგებო! თქვენ სისხლსა ღვრიდით რუსეთის განახლებისათვის.

და დღეს, როდესაც რუსეთი განახლდა, ნუ თუ ხმას არ აამაღლებთ თქვენი სამშობლოს ფეხქვეშ გათელილ უფლებათა აღდგენისათვის?

**ივ. გამართელი**

## ს ა დ ღ ე ი ს ო

ამ წელმა ისეთი გაზაფხული მოუტანა რუსეთს, რომლის მზგავსიც ისტორიამ ძალიან ცოტა იცის.

მართალია, ძველ მთავრობას ძველი რეჟიმი ისეთის სწრაფის ნაბიჯით მიჰყავდა დღუბისკენ, რომ მისი დღეები დათვლილი იყო და ამის გამოსაცნობათ დიდი წინასწარმეტყველება არ იყო საჭირო, მაგრამ თუ ეს ასე სწრაფათ მოხდებოდა, სწორეთ წარმოუდგენელი იყო.

დარწმუნებული ვიყავი, ძველი რეჟიმის დროზე დასამხობათ საჭირო იყო რომ რუსეთი დასჯახებოდა რაიმე ძლიერ გარეშე ძალას. ასეთ ძალათ იქცა გერმანიისთან ომი, რომელმაც გამოაქვეყნა, გამოამხეურა და ყველასათვის აშკარა გახადა ძველი წყობილების მთელი გახრწნილება.

ასეთ არა ჩვეულებრივ დროს, როდესაც მამულის კეთილდღეობას მილიონობით ეწირებოდა რუსეთის მოქალაქენი, ძველი მთავ-



რობა რუსეთსა ჰყილდა, ჰყილდა აშკრათ ურცხვად.

როდესაც საწინებლმა დალატმა სასახლეში იჩინა თავი, როდესაც დამტკიცდა, რომ დედოფალი, რომელიც ასეთ დროს უნდა ჰყოფილიყო ნამდვილი დედა მთელი რუსეთისა, ნამდვილათ მთელ რუსეთს ყალსა სჭრიდა, მოთმინების ფილა აივსო და ჯარმა შეასრულა თვისი მოვლობა მამულის წინაშე.

ქება და დღეა, უკვდავი სახელი რუსეთის უკვდავ მხიდრობს!

პირველი საძირკველი რუსეთის დიდი რევოლუციისა მუშა ხალხმა ჩაჰყარა.

ცხრაას ხუთი წელი რევოლუციის ჩაქრობითა და მუშა ხალხის დამარცხებით დამთავრდა.

ამაში ბრალი მუშა ხალხსაც მიუძღვის. მართალია, სარევოლუციო ველზე პირველ როლს მუშა ხალხი თამაშობდა, მაგრამ ყვენ სხვებიც. რომლებიც მუშა ხალხს ხელს უწყობდნენ, ასე თუ ისე ეხმარებოდნენ.

როდესაც მუშა ხალხმა მტრის პირველი სანგრები აიღო, მან დაივიწყა მოკავშირენი, თანამგძნობნი და წამოაყენა ისეთი მოთხოვნები, რევოლუციის მიზანი ისე ფართოთ დაისახა, რომ სხვების მიზანი სრულებით დაჩრდილა და მოსპო.

მოკავშირენი და თანამგძნობნი შეშინდნენ, დაფრთხნენ, მუშა ხალხს სწრაფათ ჩამოშორდნენ. ბრძოლის ველზე მუშა ხალხი განმარტო ბუღათ დარჩა და ეულათ დარჩენილმა ბრძოლა წაავო.

რამ დაამარცხა ცხრაას ხუთ წელს რევოლუციისა?

სარევოლუციო ძალთა დაქსქსვამ.

იგივე შტაბშია თუ დღისაც განმეორდა, კონტრრევოლუციის უათუოთ წამოჰყავს თავს და დროებით კიდევ გამარჯვებს.

ვინ დაამხო დღეს ძველი რეჟიმი?

ჯარმა, მუშა ხალხმა და ბურჟუაზიამ.

შემტდარი იქნება ის, ვინც იფიქრებს, ვითომც რუსეთში რევოლუციისა დამთავრებულ იყოს. ჯერ მხოლოდ ძველი მთავრობა დამხო.

ძველ მთავრობას, ძველ რეჟიმს ყვეოგან ბევრი მომხრეები ჰყავს. ამ მომხრეების დამო-

რჩილება და ალაგმვა, მთელი ძველი სისტემის ახლით შეცვლა დიდ დროს, დიდ შრომას, დიდ გამჭირაობას ითხოვს და სანამ ძველი სრულებით არ დაიშობა და მის ნანგრევებზე მტკიცეთ არ დამყარდება ახალი, სრულ და საბოლოო გამარჯვებაზე ლაპარაკი ნაადრევია.

ამიტომ სამივე მებრძოლს—ჯარს, მუშა ხალხს და ბურჟუაზიას—დიდი სიფრთხილე მართებს. მათი საბოლოო, შორეული მიზანი სხვა და სხვა არის, მაგრამ თუ ეს დღეს გაიხსენეს, ეს გამოიწვივს მათს გათიშვას, სარეგულიუციო ძალთა დაქსქსვას და ეს კი ხელს შეუწყობს კონტრ რევოლუციის წარმოშობას და გაძლიერებას. სამივე მებრძოლმა დიდხანს უნდა იაროს ერთათ. ამიტომ მათ ჯერჯერობით სრულებით უნდა დაივიწყონ, რა განსხვავებაა მათ შორის და ახლოვდეთ მხოლოდ ის, თუ რა აერთებს, რა ამოქმედებს დღეს სამივეს ერთად.

სამივეს ერთად ამოქმედებს ძველი რეჟიმის სრული დამხობა და მის ალაგას დემოკრატიული წყობილების დამყარება.

ეს დიდი მიზანი აკავშირებს სამივეს.

მართალია მუშა ხალხისთვის არ არის საბოლოო მიზანი, მუშა ხალხის საბოლოო მიზანია სოციალიზმი.

სოციალიზმი კი ბურჟუაზიის სამარეა და ამიტომ არაფერი მას ისე არ აშინებს, როგორც ამ სამრის დანხვა.

აქედან ცხადია შემდეგი:

თუ მუშა ხალხმა წამოაყენა ისეთი მოთხოვნები, რასაც სოციალიზმის ნიშნები ექნება, ბურჟუაზია მუშა ხალხს უსათუოდ ჩამოშორდება.

ეს კი საერთო დემოკრატიულ წყობილების დამყარებას დღუპავს.

განცალკევებლათ მუშა ხალხმა არ უნდა წამოაყენოს არც ერთი მოთხოვნები. ყოველი მოთხოვნების წამოყენებას, ყოველი ნაიჯის გადადგმას წინ უნდა უძლოდეს სამივე მებრძოლის თანხმობა და სრული ერთსულოვნობა.

ერთად მოქმედება, თანხმობა უსათუოდ ითხოვს არა ჯიუტობას და დაჟინებას, არამედ დათმობას. თუ მუშა ხალხმა დაჟინებით წამოაყენა თვისი საკუთარი მოთხოვნები:



ჯარმა თავისი, ბურჟუაზიამ თავისი, თანხმობა დაირღვევა და მტერი უსათუოდ წამოჰყოფს თავს.

ყველაზე მეტი სიფრთხილე, წინდახედულება და გამჭირბობა ამ მხრივ მუშა ხალხს ჰპირთებს, რადგანაც ის უფროსია, უფრო ხნიერი და გამოცდილი მეტოღოლია.

თვისი საბოლოო მიზანი მან დღეს დროებით უსათუოდ უნდა დაივიწყოს და მთელი თვისი ძალონე მოახმაროს ჯართან და ბურჟუაზიასთან ერთად და თანხმობით მოქმედებით დემოკრატიული წყობილების დამყარებას.

დრო მეტათ სერიოზულია, მეტათ დიდი სიფრთხილე, სიფრთხილე, სიბრძნე, წინდახედულობა თავდავ წყება საჭიროა.

გაუმარჯოს ჯარს, გაუმარჯოს მუშა ხალხს, გაუმარჯოს მეტოღოლ ბურჟუაზიას.

*ვ. ჯ. მ. მ.*



### განთიადას სევდა

მაშინ, როდესაც უკანასკნელ გამარჯვებას დღესასწაულობდა ძლიერამოსილი განთიადი...

მაშინ, როდესაც მახარობელი შუქურაკი სიხარულის ალში ინთქმებოდა და მშვენიერი აღმოსავლეთი ოქროსფრათ იქარგებოდა...

მაშინ, როდესაც ჯადოსანი ბულბული მშვენიერების სამარადისო ჰანგებს აწყობდა და ფრინველთა მეფეც გამორული სიმღერით ესალმებოდა თვალუწვდენ მთებს და მალლა ცაში მიიჩქაროდა, რომ იქ, მხოლოდ იქ ერთქვა თავისი მშვენიერი სიმღერა...

მაშინ, როდესაც სიხარულის ბურანში გახვეულს სიყვარულისა და აღმაფრენის ფრეები მესხმებოდა, საიდგანლაც გაჩნდი შენ ჩემთან და მწუხრის სიმღერა მიმღერე...

მსწრაფლ წამერთო აღმაფრენა და ჩემს სულს ეწვია წმინდა სევდა...

წმინდა სევდა განთიადისა...

და ყოველთვის, როცა ჩემს სულსა და გულში კვლავ ცოცხლდება დიდებული სანახაობა...

როცა ფრთაშესხმული ოცნება სიყვა-

რულისა და თავისუფლების ქვეყანაში მიმაფრენს, შენ ისევ ჩემთან იბადები და მწუხრის სიმღერას მიმღერი...

და მევლინება წმინდა სეიდა...

წმინდა სევდა განთიადისა...

ეხ, რა ვიცოდი, თუ განთიადისას მწუხრის სიმღერას მიმღერებდი...

რა ვიცოდი, თუ განთიადთან ერთად მწუხრიც შემომგებარებოდა...

რა ვიცოდი...

რა ვიცოდი?..

ლ. ძიძიგური

## ქართული ეკლესია და სამღვდლოება

(იხ. „თეატრი და ცხოვრება“ № 9)

1801 წლებშივე საქართველოს მმართველებს ნაბძანები ჰქონდათ სამღვდლოებისა და ეკლესიის მოწესრიგებისათვისაც უურაღლება მიექციათ, მათ კეთილდღეობაზე ეს უნათ, მაგრამ საქართველოს არც ერთს ვამკებულს თითიც არ გაუნძრევია ამ დავალების ასრულებისათვის მხოლოდ ვარდამ ექსარქოსისა და ტომასოვის დროს იქვეც ზრუნვა, მაგრამ ეს ზრუნვა აღმოსავლეთ საქართველოში გამოიხატა ეპარქიების და მონასტრების შემოკლებაში. ქათალიკოსობის დროს აღმოსავლეთ საქართველოში ცამეტი ეპარქია იყო: მცხეთისა, ტფილსისა, სამთავრისა, რუისისა, წილკანისა, სამთავისისა, ურბნისისა და ნაქაზისა—ეს ქართლში; კახეთში: ალავერდისა, ნინოწმინდისა, რუსთავისა, ნეკრესისა და ბოდბისა. ცხრა საარქიმანდრიტო (ანუ მონასტერი) იყო: ქვაბთახევისა, შიომღვიმისა, იკორთისა—ლაგვისისა და თირისა; კახეთში: კახეთისა, დავითგარეჯისა, ნათლამცემისა, შუამთისა და ბოდბისა. აი, ეს ეპარქიები და მონასტრები შეამოკლეს და გახსნეს სულ ორი ეპარქია: მცხეთა—ქართლისა და ალავერდი—კახეთისა, ცხრა მონასტერი ჩამოაყვანეს ხუთზე. ტომასოვმა ჩუენი სამღვდლოება და ეკლესია დააფოდა, ისეთს მოსსენებებს გზავნიდა უმაღლეს მთავრობასთან, ვითომ ქართველ სამღვდლოებას არაფერი არ უკეთებია, გარშემო კერძთთაყვანისმცემლები ცხოვრობენ, მათ მოსაქცევად საქართველოს სამ-



დღეღამეობას ანაფერით არ გაუკეთებიათ, ვითომ ქართული სამღვდელეობა გაუნათლებელი იყო და არ ძალ ედგა ქადაგება და მოქცევა მთის ხალხებისა, რომელიც კერძებს სტემადა თაყვანსა, მაგ. ასეთი. ტომისაგვის ასეთი აზრი ქართველ სამღვდელეობაზე ერთობ გააღიანებულ იყო იგი ჩვენი სამღვდელეობის მისიონერულ მოღვაწეობას სრულიად არ იცნობდა, ამიტომ იმას ეგონა, რომ ქართველ სამღვდელეობას უნაჩი არ შესწევს მთის ხალხების მოქცევისა ქრისტიანობაზე. ასეთი აზრი ტომისაგვის სრულიად ეწინააღმდეგება ისტორიას, რომელიც ქებით ისენიებს ქართველ მისიონერებს, განსაკუთრებით გაიოზ ეპისკოპოსს, გუარად ბარათაშვილს, რომელიც იყო ასტარხნის და მოზდოკის ეპისკოპოსად, რომელმაც რუსეთი და სხვა მთიულთა ენები იცოდა, ქადაგებდა და შექქინდა მათში ნათელი ქრისტიან სწავლისა. ეპისკოპოს კირიონს, თვის თხზულებაში, რომელიც ჩვენ შემთავად დაგვასახელეთ, ჩამოთვლილი აქვს ის დიდებულნი სასულიერო პირნი, რომელნიც იღვწოდნენ სამისიონერო ასპარეზზე და რომელნიც იყვნენ ტომისაგვის თანამედროენი, მაგალითად, მწვემსმთავრები: გაიოზ ბარათაშვილი (შემოდანსენები), თვით ვარლამ ერისთავი, გამიჩენილი მქადაგებელი ამრობს ნეკრესელი, დოსითეოს ფიცხელაური, ნიკოფორე ჯორჯაძე, იოანე ბოდბეელი, არქიმანდრიტები: გამაღვილი, ელეფთერი და იოანასკი; დეკანოზები: დიმიტრი ალექსი-შესნიშვილი, იოანე ასეშვილი, იოანე ქართველი-შვილი, პეტრიაშვილი, ეგნატე იოსელიანი, დავით ნუბინაშვილი და სხვ. ისტორია ცხადდ მოწმობს, რას აკეთებდნენ უხსოვარის დროიდან ჩვენი მქადაგებელ-მისიონერები. ამათ შექქინდათ ნათელი ქრისტიან სწავლისა, სარწმუნოებისა, ცნობით სწავლა, ქადაგება კავკასიის მთიულთა შორის: აბსახეთში, ასეთში, ქისტეთში, ლეკეთში, უდიანებში და სხვ. რუსეთთან შეერთებამდე და შემდეგ ჩვენს სამღვდელეობას იარაღი ხელიდან არ გაუგდია, ბეჭითად და მხნედ განაგრძობდა მისიონერულ ასპარეზზე მოქმედებას. ეგნერად ტომისაგვის სახეში ქქინდა მსოფლიო და მსოფლიო ჩვენი სამღვდელეობის გათავისუფლება, მისი დაკინება უმაღლესი მთავრობის წინაშე, თორემ რითი ახსენება მისი თხრობა

მთავრობისადმი, გამოცხანეთ კათალიკე მისიონერები-იესუიტები რუსიის მოსაქცევად. იცოდა კი რომ ქართველი მქადაგებელი იღვწოდნენ, მაგრამ მაინც სიძულვილით, გათავისუფლების სურვილით არ მოასვენა იგი. არა თუ ტომისაგვის დროს, წინათაც, როგორც ვსთქვით, ქართველი მისიონერები იღვწოდნენ მთიულთა განათლებისათვის, არა თუ მართლ სამღვდელეობი იღვწოდნენ, არამედ ერის კაცნიც, მაგ. რუსების შემოსევამდე და შემდეგაც რუსეთში იღვწოდა აზნაური ივანე იალგუზიძე. შემდეგშიც ბევრმა იხსენიდა თავი მთიულთა მოქცევისათ, ისტორია არ დაიფიქრებს შემდეგ პირთაც: დეკანოზებს—ნიკოლოზ სამარდანიშვილს, იოსებ ელიოზიძეს, პეტრე ავალიანს, ბესარიონ ილიურიძეს, ვასილ ტრიაძეს, ათანასე მაჭავარიანს, კიორგი ამირიძეს, ზაქარია მამინაშვილს, იაკობ ლომიურს, ალექსანდრე თევდროსშვილს, მღვდლებს—გაბრიელ საძაგლიშვილს (პაპა ეპ. კირიონისა), იაკობ ზამთარაულს და სხვ. და სხვ.

ერთის სიტყვით, სამოქალაქო, თუ სასულიერო მთავრობანი აღიჭურვნენ იმ აზრით, რომ საქართველოს სამღვდელეობა და ეკლესია დაეკეთებინათ უფველიანად. ამ აზრს კიდევ მანსწივს და, როგორც შემოდ მოვიხსენიეთ, ჩვენს ქვეყანას მოეფინა სწავლა-აღზრდის სისტემის გამო გამოჩურჩულებული სამღვდელეობა. მისიონერული მოღვაწეობა, რომლებსაც ჩვენებს უწუნებდნენ, ხომ სრულიად დაეთა.

### სიძღერა

ვინაც გაზდილა ღადადა,  
 კმაყოფილია ბედისა,  
 არ ახსომს თავის აკვანია,  
 არც ტუბილი ძუძუ დედისა,—  
 მძიმე ბარგია მშობლისთვის,  
 შამცხეხენი წმინდა მთებისა...  
 თავის სამშობლთს ორგული  
 დედას ნუმც გაუბდებისა,  
 ვაჟნიმც ნუ დასმენ ჯარსება,  
 მიწამც ნუ ედირსებისა,  
 უორნისამც ლუკმა გაზდება,  
 გულსამც ამოტეჟს მკერდითა!

მწვემსი ვასო აფციაური



# ადმასრულებელი კომიტეტი

სია და ვინაობა სახემწიფო სათათბირის იმ წევრებსა, რომელთაც ამა წლის თებერვლის 27 სახემწიფოს ძალა-უფლება ხელთ იგდეს:

1) **როდიანკო**, მიხეილ ვლადიმერის ძე, სახემწიფო სათათბირის თავმჯდომარე, ეკატერინოსლავის გუბ. დეპუტატი, ოქტომბრელი, უმაღლესი კარის კამერჰერი, დაიბადა 1859 წ.

2) **კეენსკი**, ალექსი თევდორის ძე, ნათყვის ვიქილი, სანტაფის გუბ. დეპუტატი, შტამის ჯგუფის მესვეური (დიდერი), დაიბადა 1881 წ. შეგნიერი ორატორია და მშრომელ ხალხში დიდი სახელი აქვს მოხატული. ჯენის ამბების დროს მთავარ ჯენის ოქროს მადნები და საქმე გამოიძია. ახლ მთავრობაში სასჯულმეტყველო (იუსტიციის) მინისტრად მიიწვიეს.

3) **ჩხეიძე**, ნიკოლოზ (კარლო) სიმონის ძე, თბილისის გუბერ. დეპუტატი (მესამე სათათბირშია იყო), თბილისის ხმოსნად ნამუფა, სოციალდემოკრატი (მეუმიერესე), მარქსის მოძღვრების სუბკათეოს მტოდნე, დიდათ განვითარებული, ზუბინისტი და მუშებში დიდ სახელმძღვანელო, სახეშ. სათათბირის სოციალ დემოკრატიულ ფრქვიის მესვეური (დიდერი). გაბედული და შეუდრეკელი ორატორია. დაიბადა 1863 წ. სოფ. ფუთს, კლდეკთის საზ. პრანის მახლობლად.

4) **შულგინი**, ვასილ ვიტალის ძე, ვოლინის გუბ. დეპუტატი (2, 3-ე იყო), გაზ. „კომუნისანი“-ს ხელმძღვანელი, სოციალისტი. ბეილისის საქმისა და ომის გაჯელებით ძალზე გამომარცხნდა. დაიბ. 1878 წ.

5) **მილიუკოვი**, პავლე ნიკოლოზის ძე, ზეტრადგადის დეპუტატი (მე-3-ეშია იყო), კადეტთა პარტიის მესვეური (დიდერი), გაზ. „რენის“ რედაქტორი, ნიჟიერი ისტორიკოსი, ზუბინისტი და კარგი ორატორი. დაიბ. 1859 წ.

6) **გარაულოვი**, მიხეილ ალექსის ძე, თერგის ოლქის დეპუტატი (მე-2-ე სათათბირშია იყო), აფინერი, დაიბ. 1872 წ. ისტორიკოსი თერგის ვახახთა ჯაშკრისა, თერგის ოლქის საერობო კანონმდებლის თათხანი.

7) **კონოვალოვი**, ალექსანდრე ივანეს

ძე, კასტრამის გუბერნიის დეპუტატი, სამანუ-ფაქტურა ქარხნის პატრონი, სახემწიფო სათათბირის თავმჯდომარის ამხანაგად ნამუფი, სამხედრო სამრეწველო კომიტეტის თავმჯდომარე, დაიბ. 1875 წ. სავაჭრო-სამრეწველო მინისტრად მიწვეული.

8) **დმიტრიუკოვი**, ივანე ივანეს ძე, კალუგის გუბ. დეპუტატი, ოქტომბრელი, სახემწიფო სათათბირის მდივანი, დაიბ. 1872 წ.

9) **რევესკი**, ვლადიმერ ალექსის ძე, მასკოვის გუბ. დეპუტატი, ცნობილი საერობო მადგაწე, პრეგრესისტი, სახემწიფო სათათბირის საბიუჯეტო კომისიის თავმჯდომარის ამხანაგი, გასულ წელს ჩვენში იყო საერობო მასალების შესაკრებად, დაიბ. 1856 წ.

10) **შიდლოვსკი**, სერგი ილიოდორის ძე, ვორანევის გუბ. დეპუტატი, ოქტომბრელი, პრეგრესიულ ბლკის თავმჯდომარე, მესამე სათათბირში თავმჯდომარის ამხანაგი იყო, დაიბ. 1861 წ.

11) **ნეკრასოვი**, ნიკოლოზ ბესარიონის ძე, ტომსკის გუბ. დეპუტატი, (მე-3-ეშია იყო), ტომსკის ტექნოლოგიურ ინსტიტუტის სტატი-სტიკის პრეფერისტი, შემარცხენე კადეტი, აწინდელი სათათბირის თავმჯდომარის ამხანაგი. დაიბ. 1879 წ.

12) **ლვოვი**. ვლადიმერ ნიკოლოზის ძე, სამარის გუბ. დეპუტატი (მე-3-ეშია იყო) ცენტრის ჯგუფელია, საეკლესიო საქმის მტოდნე, დაიბ. 1872 წ. ახლ მინისტროში მიწვეულია სინოდის ობერ-პროკურორად.

## დამარცხდა

დამარცხდა დემონი—ველარ ხარხარებს, დამარცხდა, დამცირდა შიშით ცახცახებს!

ვინც გუშინ გვტანჯავდა—ღღის იგი კვდება ტანჯულ-წამებულნი აწ მკვდრეთით სდგება.

დაიმხვრა ბორკილი უსამართლობის ხმა ისმის მედგარი ძმობა-ერთობის!

ზეიმობს ქვეყანა, მთვარეც და მზეცა, და იმათ ზეიმში მსურს ვიყო მაცა!..

ზ. ზემო-ხანდაკელი



# ქართველები სახელმწიფო სათათბიროში



პირველი სათათბირო. 1) ი. ა. ბარათაშვილი, 2) ნოე ჟორდანია, 3) მ. ს. ჯაფარიძე, 4) ი. რამიშვილი, 5) ივ. გომართელი და 6) ს. წერეთელი.



მეორე სათათბირო. შუაში—აკაკი წერეთელი, მარჯვნივ—სევ. ჯუღელი, მარცხნივ—არ. ლევ. ჯაფარიძე, ზევით—გ. თ. მახარაძე, ქვემოთ—პ. კანდელაკი და ნ. პ. კაციაშვილი.



ვგვანი გვგვჰკორი.  
(მე-3 სათ.)



გ. გელოვანი.  
(მე-4 სათ.)

## წითელი დროშა

ხალხთ უფლებების მზევ! შეგნებო, სულის შუქურავ!  
უკვე იცინი სიცოცხლისა მკვერაო ქურავ!

დასწვი, თუ-კი რამ დარჩა კიდევ მოძველო ენგი  
და გულს ასმინე სულ ახალი ნეტარი ჰანგი.

თავისუფლების ქარი, აჰა, ვხედავ გრიალებს,  
წითელი დროშა, საყვარელი უკვე ფრიალებს!..

ს. ერთაწმინდელი



ნ. ჩხეიძე (მე-3 და 4 სათ.)  
აკაკი ჩხენკელი (მე-4 სათ.)



# ახალი მთავრობა



თავ. გ. ლ. ლვოვი (1)—პირველი მინისტრი, ერობათა კავშირის თავმჯდომარე; ა. თ. კერენსკი—(10) მინისტრი იუსტიციისა პ. მილიუკოვი (4)—გარეშე საქმეთა, ა. ნეკრასოვი (5)—გზათა, ა. კონოვლოვი (3)—დატრობა-მრეწველობისა, პრ. მანუილოვი (11)—განათლებისა, ა. გუჩკოვი (2)—სამხედრო, შინგარეი (9)—მიწათ-მოქმედებისა, ტერეშჩენკო ( )—ფინანსთა, ი. გოდუნევი (11)—სახემწიფო კონტროლიორი, ვ. ლ. ლვოვი (7 )—სინოდის ობერ-პროკურორი, როდიჩევი (6)—ფინლანდიისა.

## დაემხო ძველი— გაუმარჯოს ახალს!

იყავი ბრძენი  
ვითარცა გველი!

მოქალაქენო ქრისტე აღსდგა!

ქრისტე აღსდგა მონობის მძიმე უღელ-  
ქვეშ სულშეხუთულო, ღღემდე გლახად ანუ  
თავად-აზნაურად წოდებულო, მუშავ და ჯა-  
რისკაცო!

ღღემდე ყურმოჭრილ ყმად მიჩნეულო  
ქვეშეგრძამთ, აწ თავისუფალო მოქალაქე!

თებერვლის 27-ს, სწორედ შუალამისას,  
გაიყარა ძველი და ახალი რუსეთი.

ძველმა განისვენა, ახალმა მზეებრ იწყო  
კაშკაში!

და განანათლა ყოველი კუთხე-კუნჭული  
რუსეთის წამებულ ქვეშევრდომთა გულისა!

ბაგეთა ჩვენთაც აღხსნა მძიმე ბოქლომი.

რუსეთის თვითმპყრობელი ბატონი ნი-  
კოლოზ მეორე ტახტიდან გადადგა შეილი-  
თურთ, მისმა ძმამ მიხეილმაც არ ისურვა მე-  
ფობა, ვიდრე ერის დამფუძნებელი კრება—  
ხალხის საყოველთაო, თანასწორ, პირდაპირ

და ფარული კენჭის ყრით არჩეული წარმომად-  
გენენი არ მისურვებენ მეფედო. ამ მიზე-  
ზით სამეფო ტახტი არ მიიღო და რუსეთის  
სახემწიფოს ბედ-იღბლის გამგებლობა იკისრეს  
ქვეყნის რჩეულ შვილთ, —სახემწიფო სათათ-  
ბიროს აღმასრულებელმა კომიტეტმა, მუშათა  
დეპუტატების საბჭოსა და მათის თანხმობით  
შემდგარმა პასუხისმგებელმა სამინისტრომ!

ყოველივე ეს მოხდა 24 საათის განმავ-  
ლობაში.

ღღეს რუსეთი თავი უფალია!

რუსეთის აწინდელმა მძიმე განსაცდელ-  
მა ქვეყნის სამართავად დააკავშირა სულ სხვა-  
დასხვა ბანაკის წარმომადგენენი: ოქტომ-  
ბრელები, კადეტები, სოციალ-დემოკრატები,  
შრომის ჯგუფელები, ნაციონალისტები, პრო-  
გრესისტები და სხ. ხელი ხელს მისცეს, პირი-  
პირსა, ამათ გვერდში ამოუდგა მუშა ხალხი  
ჯარითურთ, ეტაკენ ძველ წყობილებას და  
დაამხეს კიდევ...

ასე მოიქცნენ მას შემდეგ, ოდეს დარ-  
წმუნდნენ, რომ ცალკვალკე უღონონი იყვნენ!  
გაუმარჯოს მათ მიზანს!

თავისუფალი და მტკიცე კონსტიტუცი-  
ონალური რუსეთი ჩვენთვისაც უკეთესია,  
ვიდრე წინანდელი თვითმპყრობელობა!



მაგრამ მძღარი მშვიერის მდგომარეობას განა ოდესმე განიცდის!

მართალია, ახალი მთავრობის გეგმაშია ერთი გათანასწორებაც, — მაგრამ ქართველ ხალხისთვის ეს არა კარაა!

საქართველოს ძეთ წარსულსა და აწმყოში უდიდესი სამსახური გაუწიეს რუსეთს!

ქართველმა დემოკრატებმა ხომ საარაკო მხნეობა გამოიჩინა რუსეთის დემოკრატიის გაძლიერებაში!

ვინ იყვნენ რუსეთის დემოკრატიის ბელადები სათათბიროში, თუ არა ქართველები?!

მოიგონეთ კაკი წერეთელი, ის. რამიშვილი, ე. გეგეჭკორი, აწინდელი — კარლო ჩხვიძე, აკაკი ჩხეკელი და სხ.

მოიგონეთ უმანკო მსხვერპლნი: ქოტი (ჯაფარიძე), ქოლა ლომთათიძე, სევ. ჯუღელი, ლადო კეცხოველი მრ. სხ.

ვინ, ვინ აღავსო ციმბირის შორეული ქვეყნები საკუთარი ძვლებით თუ არა ქართველთა ძეგაგადადებულმა ბრძოლამ?!

როგორც შინაურ სამოქალაქო ომში, აგრედვე გარეშე მტერთან ბრძოლაში ქართველებმა დიდაც რომ უზომო მსხვერპლი გაიღეს.

და ამისთანა თავგანწირულების ამავს თუ შესაფერად არ დაგვიფასებენ, მაშინ თვით ქართველმა დემოკრატებმა — ხალხმა უნდა დააფასოს.

ყოველთვის სხვისთვის ხომ არ უნდა ვაცხოთ კვერები!

როგორც დღემდე, დღეის შემდეგაც რუსეთის დემოკრატიას მხარდამხარ უნდა გავყვეთ ყველაფერში, მაგრამ ამავე დროს არ დავივიწყოთ ჩვენი ქვეყანა და მისი საჭიროებანი...

ექვს გარეშეა, რომ ადრე თუ გვიან საქართველოსაც ელირსება თვითმართველობა, მხოლოდ და მხოლოდ დემოკრატიულ საფუძვლებზე დამყარებულა... და რაც უფრო ადრე გამოვიჩინოთ საკუთარი თავის ცნობის აღილოს, რაც უფრო ადრე შემოკრბებით დემოკრატიულ მისწრაფებათა ირგვლივ და ახალ მთავრობას ზურგს გავუმაგრებთ, მით უფრო ჩქარა მივახწევთ ჩვენს მიზანს.

განხეთქილება, დემოკრატიულ წრეთა შორის პარტიული კინკლაობა, სხვადასხვა ლოზუნგები, სხვადასხვა კერპები აწ აღარ გამოგვადგება!..

ისე უნდა მოვახერხოთ, ისეთი პირობები შევქმნათ, რომ საქართველოს მიწა-წყალი ქართველს ხელიდან არ გამოეცალოს. საკუთარში არ ეცილებოდენ, არც იგი ეცილებოდეს სხვას და თავის თავის გამგებლობის უფლებანიც მიენიქოს.

სოციალ-დემოკრატი, სოციალ-ფედერალისტი, სოციალისტ-რევოლიუციონერი და სხვანი დღეს უნდა შემოკრბენ ისევე, როგორც სახემწიფო სათათბიროს აღმასრულებელი კომიტეტის წევრნი ახალი მთავრობითურთ და მხოლოდ მაშინ ველირსებით ჩვენის გულის ნადების აღსრულებას!

ყველა ამ პარტიათაგანი დღემდე სვა და სხვა გზით სახელოვნად ცდილობდენ ხალხის განვიცნობიერების: ერთმანეთს ხშირად ექიმივებოდენ კიდევ, დღეს ეს არ გამოგვადგება.

წუთი უმადღესი განცდისა შეკავშირებას გვავალებს.

მოიგონეთ ტარიელ, ფირიდონ და ავთანდილ: სხვა და სხვა გზით მიაღწენ ქაჯეთის ციხეს, სადაც ნესტან დარეჯანი მოიკვლიეს. ითათბირეს, ერთი გეგმა შეიმუშავეს და შერე, თუმცა სხვა და სხვა მხრით, ერთად ეჯახნენ და გაანთავიზუფლეს თვისი მზეძემზის საგანი.

ისე უნდა მოვიქცეთ ჩვენც.

დაე, ყოველმა შეგნებულმა მოქალაქემ მომხდარი ამბე ი და ჩვენი საჭიროებანი თავის გულში ასწონ-დასწონოს და ისე იმოქმედოს...

მშობელი კი არ დაამწუხაროს.

მოქალაქენო! მოიგონეთ ცხრაას ხუთი და მისი მძღარი შედეგები, ერთმანერთის დაუნდობლობა, რეაქციის გიმარჯვება და მისით დაწყებული ეგრედწოდებული მძღარების ჯიკვიდაცა, რომელმაც არა ერთი და ორი ათასი შვილი ჩვენის ქვეყნისა გააციმბირა ანუ სარჩობელაზე აიყვანა...

მოიგონეთ ესა და ყოველი ნაბიჯი გონიერულად და საზრიანად გადავდგათ.

ზურგი გავუმაგრებთ ახალ მთავრობას და მისგან დაწყებულ წყობილებას!



წესიერება, სამართლიანობა, თვისი საკი-  
როებათა შეგნება, სხვისი პატივისცემა და თვის  
უფლებათა დაცვა,—იი რით უნდა ვიხელ-  
მძღვანელოთ.

მეტი თვითმოქმედება, გარჯა და ნაკლები  
ფახიფუხი, ნაკლები სიტყვა!

სოფლის მშრომელი დევ-გპირო, ღღემ-  
ღე უენო-უუფლებო ქვეშევრდომად მიჩნეუ-  
ლო, კმარა, რაც სხვის საწველ-ფურად იყავი,  
სხვის ხელშემაყურებელ, უპატრონე შენს თავს:  
ოხან-მოთესე, ველ-მინდორს მაგრა მოეჭიდე,

რომ გაძღე, მტერსა და მოყვარეს დახვდე...  
სოფლის მოწინავევ, სულის ძალღონე  
გაიორკეცე და მხნედ, მხნედ შეებრძოლე ხალ-  
ხის სიბნელეს, სიბეჩავეს...

ქართველო მორწმუნე, უპატრონე თავ-  
სა შენსა!..

განქრა ბნელი, სალამი ნათელს!  
დაეზხო ძველი—ვაუმარჯოს ახალს!  
თავისუფალი მოქალაქე

იოსებ იმედაშვილი



## ცხადი სიზმარი

ვნახე სიზმარი უცნაური და საზარელი:  
უცებ დამეხვა გარშემო ბნელი!  
„ვინა ხარ, ვინა?—იღუმალი ხმა ჩამძახოდა;  
თავს ველარ ვცნობდი, ვინ ვიყავი, აღარ მახსოვდა.  
ვიგრძენ წუხილი? ვიგრძენ ტანჯვა, ვიგრძენ ობლობა,  
მთელ არსებობას მიწყლულეზდა უსამშობლობა,  
„უცხო ტომი ვარ ყველასაგან ეს და მესმოდა,  
როგორც ლახვარი ეს ხმა გულში ისე მხვდებოდა.  
ვეძებდი მიწას, მოვიარე ზღვა და ხმელეთი,  
ოქროს ქვეყნებიც ჩემთვის იყო შავი, ბნელეთი.  
ერთ აღავიდან ახლა კიდევ სხვაგან გავწიე,  
ვერსად მოვთავსდი, ჩემი წადილი ვერსად დავტიე.  
სადაც ართული დედა-ენა მე არ მესმოდა,  
სევდით მოცული გული ყველგან შემომკენესოდა.  
საიდან? როგორ? ნუ თუ მართლა მიწამ არ შემოხდა?!  
მაშ როგორ გავჩნდი? ან ვინა ვარ? ან რა მესმობა?!  
გამოვერკევი, გამოვფხიზლდი მთლად, ნაწვალეები,  
მომესმა ტკბილი: ხმა ნაცნობი თემის უბუილი:  
გმადლობ, უფალო, რომ სიზმარი იყო ტყუილი.  
ჩემო სამშობლოვ, ვეღარსად დამემაღები,  
სადაც ვიშობე მე იმ მიწას ვენაცვალეები.  
შუა ქართლია ჩემი დედა აქ ვარ შობილი,  
სხვა ყველა გარე სტუმარსა შემოსწრობილი.  
ვინც დააფასებს ჰურ-მარილსა—ვაშა, დიდება,  
ჩემი სამშობლო მოყვას-მომმეს არ ერიდება.  
ტკბილი ქართული ჩემი ღვიძლი დედა-ენაა,  
მისი შელახვა, საკუთარი ჩემი წყენაა.  
აქ დამკრა მზემა და ნიაფმა მე აქ დამბერა.  
ამავე მიწამ შემაზავა, სული შთამბერა.  
ესეა ჩემი წმინდა რწმენა შეურყეველი.  
ამას ვწერ გიგო ხეჩუაშვილი-თემისხვეელი.





ოცნება და სინამდვილე

მეფე ვარ მეფე, როცა ვოცნებობ  
და ვმღერი, ვმღერი აღტაცებული:  
ცაში დაფრინავ, ცაში ვნავარდობ,  
ვარსკვლავ-მოვარესთან შეყვარებული.

მაგრამ, როდესაც ღუბჯირ ცხოვრების  
მე სინამდვილე წარმომიდგება,  
მაშინ მემსხვერვა ფრთები ოცნების  
და ყოველივე უეცრად ჰქრება!..

ქ. ძიძაძე

ჩვენ და თეატრი

ფრ. ნიღჟე თავის ერთ თვალსაჩინო ნაშ-  
რომის („ტრადიციის დაბადება“) წინასიტყვაო-  
ბაში ამბობს: „ხელოვნება უფრო ძვირფასია,  
ვიღრე სინამდვილეო“.

ეს დებულება ერთის შეხედვით თითქმის  
საკვანძო სინამდვილედ ისახება. როგორ! სი-  
ნამდვილე, რომელიც ჩვენი ცხოვრების საფუძვე-  
ლია, რომლის უოველი ასო გაცობრიობის წვერ-  
თა აწებობასა და მოქმედებას შეიცავს, განა  
უფრო ნაკლებ ფასიანია, ვიდრე ის, რაც ამ სი-  
ნამდვილეს ასახიერებს?! აი, ეს კითხვა უსა-  
თუოდ წამოიჭრება, ვინც დებულებას გონებით  
არ განსჯერებს და განმარტებას მშრალ სიტ-  
ყებში გამოსახავს. მაგრამ ასეთი განმარტება  
უსუთუოდ დარჩება, რადგან უსულო იქმნება  
თვით ის, ვინც „გონებით არ განსჯერებს“.

სინამდვილე მართლაც ძვირფასია რამ არის,  
მას, როგორც ნათეს, ჭეშმარიტს, განმარტება  
არა სჭირდება; იგი იყო და რჩება იმად, რაც  
იყო; მის შემადგენლობაში რაიმე ცვლილება არა  
ჭნდება; რაიმე მომხდარი ურყეველი იქმნება წელ-  
თა სრბოლაში, რა გინდ სუსტი და უსუსური  
იყვეს მისი ნაკეთობი. მაგრამ, აი, შეიცვალა,  
გსთქვამთ, დღევანდელი სინამდვილის ზიარობები;  
გსთქვამთ დღეს სხვა ღმერთს ვეთაყვანებით...  
ამით შეიცვლება თვით სინამდვილე?.. არა!..  
სინამდვილე რჩება, მხოლოდ დღეს ის ზიარობე-  
ბი აღარ არის, რომელიც მას ეხვია.

გუშინ თუ აღმანი სტოცხლობდა და დღეს  
მოკვდა,—ამით შეიცვალა მისი არსებობის ზი-  
არობა, საფუძველი, მაგრამ ის, რომ იგი სტო-  
ცხლობდა, სინამდვილეა და სინამდვილედ დარ-  
ჩება.

გუშინ თუ დაცემულ-დაკინებული იყო ქარ-  
თველი ერთი და დღეს ბრწყინვალეობის მოედანზე  
გამადის, შეიძლება მისი ბრწყინვალეობა სხვასაც  
მოეფინოს,—ამით არ შეიცვლება ის სინამდვი-  
ლე, რომელიც მის დაცემა-დაკინებაში ისახე-  
ბოდა. დიად, ზათის წლის შემდეგაც სინამდვილე  
იქნება ის, რომ ქართველი ერთი გუშინ დაცემულ-  
დაკინებული იყო. მაშ, თუ ასეთია შემადგენ-  
ლობა სინამდვილისა, აშკარაა, თუ რა დიხსება  
და ფასი იქმნება მის ნაწილებს... თუ ურყევე-  
ლია, შეუცვლელი მისი დედა აზრი, ეს კიდეც  
არა ნიშნავს იმას, რომ მას სხვა სინამდვილის  
დედა აზრი არ ეწინააღმდეგებოდეს და სწორედ  
იმაშია მისი დიხსება, რომ უოველგვარი სი-  
ნამდვილე თავისი ფარგლებით ისახდურება, თავისი  
ნაწილებით საზრდობს.

და ამ სინამდვილეს განსახიერება უნდა...  
მის უოველ ნაკვეთს დაკვირვებული თვალი, გო-  
ნება, ხელი და უოველივე გრძობის გამომხატ-  
ველი იარაღი სჭირდება, რომ დიხსეულად იყვეს  
იგი დაცული. ასეთი იარაღით განსახიერებული  
სინამდვილის მოედანი კი ხელფენება. ხელფე-  
ნების უოველ დარგში, თუ იგი დიხსეულად შე-  
ქმნილია, სინამდვილე ისახება. ხელფენება სახეა  
იმ უკვდავებისა, რომელიც სინამდვილის სამოს-  
ლით გვეფენება. თუ სინამდვილე მშრალია, ე. ი.  
თუ მისი შემადგენლობა რაიმე მძალე მხატვრულს,  
წუურვილის მოძველეს არ წარმოადგენს,—სამა-  
გიეროდ, ხელფენება თვით ამ სიმშრალის გამა-  
ნოიერებელია; ხელფენება თვით ამ მშრალ  
ფაქტს იარაღად იყენებს და ჭქმნის უხეცავს,  
ჭქმნის უკვდავებას, რომლის დაწაფება უფრო  
შეტს და შეტ მშენიერებას გაძებინებთ, უფ-  
რო შეტს აღფრთოვანებას განატრებით რუსეთის  
გამოჩენილი მხატვარი რეზინი ამბობს: „ხელოვნება  
თვით უმალღესი წეს-წყობილობის ადა-  
მიანისათვის საჭიროა ისევე, როგორც ჰაერი  
და სინათლე; ხელოვნება მომხდარ ამბებს,  
პიროვნებებს და მნიშვნელობითა და სილამა-  
ზით არაჩვეულებრივ მომენტებს ანტიციცებს;  
სულის სამეფოს წარმოდგენებსა და იდეალებს  
ანამდვილებს და ამბავებს;—და, დაბოლოს,  
ცხოვრების სურათებს დამატყვევებელ სახებად  
ამკვიდრებს... ხელოვნება უმალღესი საჩუქა-  
რია—შემოქმედისაგან ხალხისადმი მოძღვნი-  
ლი“-ო და სხვა...



ამ ორი მოსაზრებისაგან გამომიტანება ერთი დასკვნა: ძვირფასია სინამდვილე, მაგრამ უფრო ძვირფასია ხელოვნება. ეს დასკვნა კი სწორ ფორმას ფრ. ნიქსის აფორიზმში იღებს.

ყოველივე ეს არის გამოსატყულება მთლიანნი ხელაწილებისა, როგორც მცნებისა. ამ მცნების, მთლიანი ხელაწილების ერთ ნაწილს, და, გვერდის, უმთავრეს ნაწილს კი, თეატრი შეადგენს. აქ რომ ამ ნაწილის მნიშვნელობა აღვწერთ, დაწვრილებული ვართ ახალს, უკეთესს ვერაფერს ვიტყვი, რადგან თვით უბრალო ფრანსისაც კი — „თეატრი ცხოვრების სარკეა“ — დიდი სიღრმავით გვირდგენს თეატრის იმ მნიშვნელობას, რომლის ახსნა განმარტების სოფოკლეს, შექსპირის, შილერის, გიოტის, მოლიერის და მრავალთა სხვათა შემოხაქმედნი მთელის სიგრძე-სიგანითაც გვიხატვენ.

და ეს მნიშვნელობა მეტ ღირსებას უფრო ჩვენს ქვეყანაში უნდა ჰქონდეს აქ დე. იქ, სადაც უმშვენიერესს ტრადიციულსა და ნაკლები ფანტასია სჭირდება იქ, სადაც ამ ფანტაზიის განმსახიერებლად გამოსულა მოქნილ-მობილად, ტან-წირვეტა, მკვირცხლ, მგრძობიერ, მწუხარებისა და მხიარულების ზომიერად შემგრძობ ხალხს შეუძლიან, სადაც უუღამაშეს დეკორატიულ მხარეს თვით ჩვენი ქვეყნის უმწვერვალესობამდე აღწეული ძუნებრივ-მხატვრული მიქარგულობა შეიტანეს, — განა არ უნდა იყოს სრული წამქეხებლობა იმისა, რომ ჩვენმა თეატრმა მალე ნახოს ის საზეიმო წერტილი, რომლის ირგვლივ თავს ბევრი იურის, მაგრამ სრულად მადწევს კი ჯერ თითქმის უკვრავის შესძლება. დიად, ამის ნახვა ჩვენი თეატრს შეუძლია, მაგრამ განტებამ და თვით ხალხმაც ამ ბოლო ხანებში მხოლოდ მის რისხვად მოიცილან და შეახერხა ეინუღად, რომლის გუნებას უფულისფრის მოხმობას ნიშნავს. ამით, როგორც ზემოთა ვსთქვი, არ განქრება ის, თუ როგორ იყო ჩვენი თეატრადური მდგომარეობა, მისი ღირსება-ნაკლებობისა კვლავ სინამდვილედ იქმნება; მაგრამ ჩემთვის, ან მომავლებისთვის იგი დაშორებული იქნება. ჩვენ და მომავლებსაც გვესჭირება ის „სარკე“, რომელიც ჩვენი ქვეყნის მრავალ მხრივ სინამდვილეს გვაჩვენებს; ამავე დროს უცხო ქვე-

ყნის კლასიკურ შემოქმედების სიტკბობებსაც გვაზიარებს და მთ კაცობრიობის წრეში ამ დარგითაც სთანადო ადგილს დაგვიშვებდრებს. ეს „სარკე“, როგორც გამოსახულება, არსებობს მაგრამ მისი გასუფთავების, განსხივლენებისა და მოხუჭუფთავებულ ჩარჩოში მოთავსებისა მაგიერ, დღითი-დღე მეტის მტკვრით იფარება, სხივთა ძლიერება ნულდება და ნარჩო ხომ თითქმის სრულიადაც არა აქვს. ბევრს, ძალიან ბევრს ღაზარაკობენ და იღაზარაკებენ მის კეთილსაყოფელად, მაგრამ ამ „ბევრს გემებს ზატარა ნაყოფი რომ გამოადებინონ“ ამის საბუთს თითქმის არასფერი გვაძლევს. არა გვაქვს შენობა, თითქმის არა გვეყავს განმსახიერებელი და არა გვაქვს განსახიერებელი. ვეგლამ ამისათვის კი შეძლებაცა გვაქვს, ადგილიც; ბუნებაც გვაძლევს და ფართო საზოგადოებაც, მხოლოდ, დრმად პატრიფიკაციულ ნ. ნიკოლაძისა არ იყოს „შტაბი არა გვეყავს“. აბა შეასრულონ დანაკარგები, აბა ერთი და იგივე ზირი ათასი საქმით ნუ დაიტვირთება, აბა შური, ქიშპობა სამოქმედო ასახეზიდან მთლად განიდევნოს, ხალხის წინ სინდისიერი მომუშავენი იყვნენ, თუ სხვა კურთხეულ ქვეყნის შვილთ ერთი ათად არ გავასწრებდით.

**მ. კიაზოშვილი**

(დასანრული იქნება)

**რუსეთის რევოლუცია**

**ძველი მოავრობა** დაემხო თებერვლის 27. ქვეყნის მართვა-გამგეობას და წესიერების დამყარებას სათავეში ჩაუდგა სახელმწიფო სათათბირის აღმასრულებელი კომიტეტი და მუშათა დემუტატების საბჭო (სურათი იხ. ზირველ გვერდზე).

➤ **ჯარიმა** მხურვალე მონაწილეობა მიიღო ძველი მთავრობის დამხობაში.

➤ **დროებითი კომიტეტები** შეადგინეს რუსეთის თითქმის ყველა ქალაქში.

➤ **ნიკოლოზ მეორე** მარტის 2 ტახტიდან გადადგა შვიდთურთ და ტახტი თვის ძმის მიხეილს გადასცა, მაგრამ მიხეილმა განაცხადა: ვიდრე დამფუძნებელი ვრება არ მისურვებს ტახტზე ვერ ავადო.



◆ უკვე შენდგა მასუხისმგებელი სამინისტრო (სურათი მეცხრე გვერდზე).

◆ ბევრ ქალაქში გადაყენეს პოლიცია, ყანდარმურია და სხ. მოსკოვში. ზოგი მათგანი ბრძოლის ველზე გაიგზავნება, ზოგი დატუსაღებულია.

◆ თითქმის ყველა ქალაქში იმართება სახალხო ურდობანი, რომელნიც ახალ მთავრობას ნდობას უცხადებენ.

◆ დაატუსაღეს და ციხეში ჩასვეს ძველი მთავრობის ბურჟნი—მინისტრნი ანუ ნამინისტრალნი: სუხომლიანოვი, გორეპიკინი, პროტოპოპოვი, მაკლავოვი, ბარკი, შტიურმური და სხ.

◆ ამინისტია გამოცხადდა. ციხე-კატორღებიდან გაანთავისუფლეს პოლიტიკური და სარწმუნოებრივ საქმეებს დასჯილნი.

◆ მოქალაქე კერენსკიმ, იუსტიციის მინისტრმა, განკარგულება მოახდინა, სწრაფად გაანთავისუფლენ ციხიდან მრავალი ნადეჟდინი და დიდის პატივისცემით ჩაიყვანნ პეტროგრადს.

◆ მეფის ნაცვალმა ნიკოლოზ ნიკოლოზის ძემ, რომელიც რუსეთის მხედრობის მთავარსარდლათა შიწვეული, ახალი მთავრობა აღიარა და უველას მოუწოდებს, ახალ მთავრობას დაემორჩილენ.

◆ ჯარმა—218 პოლკმა, თბილისში ოთხშაბათს მარტის 8-ს, დიდი მანიფესტაცია მოახდინა. მთელი ჯარი თოფებით იყო შეიარაღებული, წითელი დროშებით ზედ წარწევით: „გზუშარჯოს ახალ მთავრობას“, „გაუმარჯოს თავი სუფაღ რუსეთს“, „გაუმარჯოს თავისუფლებას“ და სხ. სარდლებს ცოცხალ გარდის წითელი თაიგულები ეჭირათ, ზოგთ წითელი ღებები ქქინდათ მხარზე გადაკრული.

◆ ყარსის ციხის უფროსი დასხვა მოხელენი დაატუსაღეს.

◆ თბილისის პოლიცია შეიცვალა, პოლიცეისტიერი დაატუსაღეს, პოლიციის უფროსობა პრამ. კოგანს მიანდეს.

◆ თბილისის აღმასრულებელი კომიტეტი შესდგა. მთავარ აღმასრულებელ კომიტეტში არჩეულია: ნ. ჟორდანია, ვესელოვი, ერსეკიანი, დომთაიძე, ხანოიანი, ჩერნიშევი, ა. ჭიბრძ-

შვილი, მაისურაძე, სიღ. ჯიბლაძე და ს. რაზმაძე.

◆ ნოე უორდანიო არჩეულ იქმნა მუშათა დემუტატების თავმჯდომარედ

◆ ციმბირში გადასახლებულთა თანხრობით დატყვევებულ იქმნენ ადგილობრივი ადმინისტრაცია და მართვა-გამკეობა თვით ჩაიგდოსულში.

◆ დროებითი მთავრობის პროგრამა:

- 1) სრული დაუყოვნებლივი ამინისტია პოლიტიკურ, სარწმუნოებრივ და მათ შორის ტერორისტულ, სამხედრო აჯანყების და აკრძრულ დამნაშავეთათვის;
- 2) სიტუვის, ბეჭედის, კავშირების, კრებების, გაფიცვების თავისუფლება. ეს პოლიტიკური თავისუფლება შეეხება სამხედრო პირებსაც, რამდენათ ამას ხელს შეუწყობს სამხედრო პირების;
- 3) მოსმობა ეოველკვარ წოდებრივ, სარწმუნოებრივ და ეროვნულ შევიწროებისა;
- 4) დაუყოვნებლივი მომზადება დამოუძნებელ კრებას მოსაწვევათ, რომელიც შესდგება, სყოველთაო, თანასწორ, პირდაპირ და ფარულ კენჭის ყრით დამოუძნებელი კრება განამტკიცებს კონსტიტუციონალურ მართვა-გამკეობას;
- 5) სახალხო მილიციის მოწეობა პოლიციის ჩაცვლათ არჩეულ უფროსით, რომელიც დაემორჩილება ადგილობრივ თვითმართველობებს, (6) თვითმართველობების მოწეობა სყოველთაო კენჭის ყრით;
- 7) იმ ჯარების დატოვება პეტროგრადში, რომლებიც დებულადენ მონწილეობას რევოლიუციაში, 8) სამხედრო დისციპლინის დაცვა, მაგრამ იმავე დროს სამხედრო პირებს ენიჭებათ ყველს მოქალაქეობრივი უფლებები.

## ხალხის აღდგომა— სახალხო მიტინგი

ძველის მთავრობის დამხობამ და ახლის შედგენამ ხალხში უზომო აღფრთოვანება გამოიწვია. თავისუფალმა ხალხმა მარტის 5 ნაძალადევიში საზეიმო ყრითობა გამართა. დიდიდანვე ქალაქში დიდი სიწყნარე იყო, ყველა ნაძალადევისკენ გაიქირებოდა. აქ შეიკრება რავდენიმე ათი ათასი კაცი და ქალი, უმეტესად მუშა ხალხი და ჯარი. სარევოლიუციო ჯარისკაცნი რაზმობლივ მოდიოდნენ, წითელი დროშებით და შე-



იარსებულნი, მარსკლიოზის დაკვრით. მიტინგზე აღმართული იყო ხუთი ტრიბუნა. ტრიბუნაზე ზირეკლად გამოჩნდა მუშათა მსტოფანი მადვანე სილიბისტრო ჟიბლადე, რომელიც ხელებ გაშლილი, თავმოხდილი მიესალმა ზღვა ხალხს. მეტის სიხარულით აღვსებულმა ძლივს აღმოსთქვა „აღსრულდა!“ ხალხმა მქუხარე ტაში დაჰკრა. ეს წუთი იყო უმადლესი ნეტარების განცდის წუთი. შემდეგ ჟარისკატთა და მუშათაგან იმდენი მოლაზარაკე აღმოჩნდა, რომ ბევრი ნაწერილი ორატორი არც კი გამოსულა სალაზარაკად. მიტინგზე მოვიდნენ ერთი პოლიკოვნიკი თავის შეიარაღებული ჟარისკატებით და რეგულირაციონურ მთავრობას ერთგული სამისახური ატუთქვა; ტრიბუნაზე ავიდა კავკასიის ჟართა შტაბის უფროსი გენერალი პოლკოვნიკისკინც და ჟარს მოუწოდა—ხალხს მთავრობას უერთგულეთ, ძველს საუკუნოდ განუსვენოსო.

მიტინგზე მოვიდნენ აგრედვე ხალი მთავრობის განკარგულებით ციხიდან გამოშვებულნი პოლიტიკურნი.

მიტინგი, მუშათა დემუტატების საბჭოს ხელმძღვანელობით, სალაშის უძღვის ხალხს მთავრობასა და ადგენს:

- 1) ადგილობრივ სახალხო ორგანოებისგან შესდგეს მთავრობა.
- 2) გადაეყნებულ იქნეს მთელი ძველი აღმინისტრაცია და შინაური დაცვის საქმე გადაეცეს ადგილობრივ თვითმმართველებს, სოფო ძველი პოლიციელები ბოლოს ველზე გაიგზავნონ.
- 3) ჟარის ძველი ხელმძღვანელები შეიცვალოს ხალხ წესწობილების ერთგულ მიმდევარებით.
- 4) ერთგუნებანი გათანასწორებულ იქმნენ უფლებით.
- 5) უველა პოლიტიკურ საქმეებისათვის დასჯილთა მიენიჭოს სრული ამინისტია.
- 6) მოწვეულ იქმნეს დამფუძნებელი კრება საუფელთათ, თანასწორ, ზირდაზირ და ფარულ საარჩევნო უფლებით, განურჩევლად სქესისა.
- 7) დამფუძნებელი კრება დაუფლებლივ უნდა შეუდგეს კონსტიტუციის გამომუშავებას ქვეყნის მონობისგან განთავისუფლებას და ზავისა და ამის საკითხის გადაწყვეტას.

წამოყენებულ იქმნა აგრედვე დემოკრატიულ რესპუბლიკისა და საქართველოს ავტონომიის მოთხოვნილება.

დამსწრეთ სადღესასწაულო ელფერი ედო.  
—

## ხმა სოფლიდან

(ჩემი მოწერილის გამო იხ. „თ. და კ.“ № 4 1917 წ. „მოწოლილი ნაღველი“)

გამარჯობა, ძმაო იოსებ!  
აი ხალხ წელიწადი!..  
მოსჩანს გეში სამშვიდობოს,  
ვაშა მუშებს, ვაშა მეზღვაურებს!..  
ცხლა კი გილოცავ, ძმაო, შობა-ახალწელიწადს—ადღვამით ხელი ხელ ჩაკიდებულებს. გვწყდებოდა მათკენ თვალები და აგერ რუსეთიდან მოდიან ხელი-ხელ გადახვეულები. ამოვიდა რუსეთში თავისუფლების მზე და ჩვენი იქით ჩასული მზეც ხომ იქიდანვე უნდა ამოვიდეს..

ის, რაც მენატრებოდა სამარეში მაინც ჩამოეძახნათ, სიცოცხლით ვესწრები და ახლა ბედნიერი და, კიდევ მეტიც ბედნიერზედ ბედნიერი ვარ ძმაო, რომ ნაღველი არ ჩამყვება ახლა თუნდაც მოვკვდე, რადგან შორდება მზეს ვეშაპი, მიზეზი ცხოვრების ფართონვისა, ამოსკურავს მზე ცის სივრცეზედ ყველასთვის სწორი და ახლა-კი ვსუნთქავ თავისუფლად. კარი ეღება მომავალს, აეშვება ამირანი!..

არ ჩამქნარა, აყვავდება ჩვენი ერის მომავალი,  
არ მომკვდარა, ცოცხალია მიჯაჭული ამირანი;  
აეშვება, აივსება ჩვენი გმირების სავანი, ხმალი კალმად შეიცვლება და უფლებათანასწორი!..  
მზე ამოდის ამაქიკიკია სითბომ...  
ჯერ წელი გამოთბეს კარგა!!

დიმ. სოლოლაშვილი.

ს. კაჭრთი.





# მგოსანი

## გ. ქუჩიშვილი

დღეს სახალხო სახლში სალიტერატურო დილას მართავს

იხამება და მოკლე ხანში გამოვა

# უსლო სიტყვათა ლექსი მნი

შედგენ. იოსებ იმედაშვილის მიერ, მეორედ შეესწავლეს-შესწავლებული. მოვარაყებელი ყდით, ხელის მოწერით ღირს 2 მ. 50 კ. გაწერვა კიდევ შეიძლება: Тифлисъ. ред. „Театри да Цховრება“—Иос Имедашвили.

# სარგუსის საზოგადო კლუბი

- ორზაბათი — სინემატოგ. სიმებ. ორკ.
- სამზაბათი — სინემატოგრაფი: სიმებ. ორკეს.
- ოთხზაბათი — ქართული წარმოდგენა,
- ხუთზაბათი — ოპერეტა რუსულ ენაზე.
- პარასკევი — საოჯახო საღამო.

ზაბათი — რუსული წარმოდგენა  
 კვირა — სიმებიანი ორკესტრი  
 შესასვლელი ფასი: ქალები და სტუდენტები — 25 კ. მამაკაცი 50 კ.  
 დასაწყისი: წარმოდგენა — კონცერტების — სინემატოგრაფ — საღ. 8 ნახ. ს.

# ახალი კლუბი

კვირის პარტი 12-21

- კვირა — რუსული წარმოდგენა. ბილეთი 50-30 კ.
- ორზაბათი — ოპერეტა. ბილეთები: 1 მ.-50
- სამზაბათი — საოჯახო საღამო
- ოთხზაბათი — სინემატოგრაფი. სიმებ. ორკ.
- ხუთზაბათი — ქართ. წარმ. ბილეთები 50-30 კაბ.
- პარასკევი — ოპერეტა. ბილეთები: 1 მ.-30 კ-დე
- ზაბათი — საოჯახო საღამო
- კვირა — რუსული წარმ. ბილეთი. 4-30 კ.
- დასაწყისი: კონცერტებისა საღამ. 9 სათ. წარმოდგენისა და სინემატოგრ. საღ. 8 1/2 სა. შუასან. ფასი მანდილოსნ. 50 კ. მამაკაც. 1 მ.



# წ. მიიღება ხელის მოწერა 1917 წლისათვის წ.

სათეატრო-სალიტერატურო, სამხატვრო კვირეული შურნალი

# თეატრი და ცხოვრება

(წელიწადი შეხუთე)  
 გამოვა სრული პროგრამით, შუკვე ცნობილი რედაქციით

წლიური ხელის მომწერნი მიიღებენ ორ პრემიას  
 ნააწილები და ბრძნული სი-  
 აკაკის აწივები ავტორის სურათებით, ფაქსიმილენით და ბიოგრაფიით.  
 ჭ. ლომთთიქის რედაქციით  
 ავტორის სურათით, ფაქსიმ. და ბიოგრაფიით.

შურნალი პარტიათა გარეშა, პროგრესული მიზნით

შუნალში მონაწილეობას მიიღებენ ჩვენი დაისახურებული და ხალგაზრდანი  
 ჭიერი მწერლები: მგოსნები, კრიტიკოსები, მუსიკოსები, ამხატვრები

შურნალის ფასი ორივე პრემიით წელიწადში დარს 8 მან. ნახევარის წლით, მახ. 50 კაბ. თითო ნომერი ყველგან 15 კაბ ფულის შემოტანა საწილ-საწილად შეიძლება: ხელის მოწერის დროს 3 მ, 1-მასისამდე — 3 მ. 1-ელ ექვანისთვემდე 2 ხელის მოწერა მიიღება: თილისში, „სორაპის“ სტამბის კანტორაში (მალათვის კუნძული, № 1, ვორონცოვის მეორე ხიდის ყურში). ქალაქ გარეთ ხელის-მოწერით ფული უდა გამოგზავნონ შემდეგის მისამართით: Тифлисъ, ред. „Театри да Цховრება“ Иосиф Имедашვილი. რედაქტორ-გამომცემელ ანნა იმედაშვილისა